



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Disputatio II. De Materiâ & formâ Sacmentorum novæ Legis.

[urn:nbn:de:hbz:466:1-72963](#)

bo upitā; adeoq; etiam in pura creatura esse potestas excellentiae quantum ad praesens, quāvis non tam perfectè defectu tituli meriti seu moralis causalitatis gratia. Deinde concurret humanitas Christi sic, ut in ordine ad habendam causam completè institutivam non foret opus ire extra personam; utpote, in qua junctim erat humanitas & divinitas. Et hoc constat non esse

communicabile puræ creatura manentia ratiō; ut nec communicabilem esse potestatem excellentiae, quatenus connotat suam radicem seu fundamentum, scilicet Unionem hypothaticam. Et sic satis declaratum manet, an vel qualiter pura creatura divinitus potuisset circa institutionem Sacramentorum facere id quod humanitas Christi fecit.

DISPUTATIO SECUNDAS.

De Materia & Forma Sacramentorum novæ Legis.

CUM omne Sacramentum novæ Legis sit signum sensibile, dubitari non potest, quin in eo reperiatur illud quod signum est, & insuper ipsa significatio, qua se habet ad rem, qua signum dicitur, tamquam forma ad Materiam: sicut figura v. g. sedis habet se per modum formæ respectu ligni, ex quo tamquam materia illud arte factum componitur. Sed si cut in hac ipsa materia v. g. ligno est præterea materia & forma ligni: sic queritur, an in ipsis rebus sensibilibus, quæ signa Sacramentalia sunt, reperiatur præterea quod se habet instar materiæ, & aliud quod per modum formæ.

ex divina institutione. Congruētia est, quod Sacraenta novæ legis proportionatè ad ipsam legem debeant esse signa perfectissima; adeoq; sensibilia sensibus perfectioribus, qui sunt visus & auditus; res autem videntur, verba audiuntur: & quia res præfuppontur verbis, & ab his quasi determinantur, ideo res dicuntur materia, verba forma.

In veteri tamen Lege pleraque aut etiam forte omnia Sacraenta confitabant solis rebus: non enim reperitur aliqua verborum formula pro Circumcisione ceterisque illius legis Sacramentis prescripta. Idque congruebat obscuritati istius statutis & Sacramentorum umbraticorum; cum verba clarius & expressius significant, quam res.

Notandum autem non velle Concilium Florentinum, quod in quolibet Sacramento ^{3.} ^{Esi non} quavis verba concurrentia sint forma: cum ^{quavis verba in omnibus Sacramentis} idem Concilium, ac etiam Tridentinum ^{14. c. 3. & can. 4.} Confessionem veralem ^{mentis sunt} recensent tantum materialia Sacraenta ^{formam.}

Poenitentia; ac similiter satisfactio sèpè consistat in verbis, v. g. precibus vocalibus. Mater equidem doctrina Concilii generaliter vera: quidquid aliquam exceptionem fecerit Durandus 4. diff. 1. q. 3 n. 8. quia etiam Sacramentum Poenitentia consistat verbis absolutionis tamquam formâ, & rebus tamquam materiâ, scilicet peccatis, quæ sunt ad materiæ

^{Generaliter}
^{tamen vera}
^{mater do-}
^{ctrina Flo-}
^{rentini quo-}
^{ad materiæ}
^{& formam.}
materia circa quam, & contritione, quæ est materia proxima. Confessio etiam, et si consistat in verbis, sive propriè dictis, sive æquivalentibus in necessitate, habet se tandem instar rei, quatenus ulterius determinatur per verba absolutionis tamquam formam. Similiter in Matrimonio reperiuntur res tamquam materia, scilicet corpora contrahentium, quæ sunt materia circa quam & obiectum contractus ac Sacramenti matrimonii: nec opus est aliam ibi materialia querere, ex qua Sacramentum componatur (qua in re plurimum laborant Varii, signanter Hugo d. 2. scđ. 1.) cum illud imitetur naturam contractuum, quorum materia censetur esse ipsum objectum quod in contractu proponitur. Ex quibus soluta manent rationes dubitandi Durandi.

128 Disp. II. De Materia & Forma Sacram̄torum novae legis.

4.
Excepto,
quod solum
matrimo-
nium possit
perfici sine
verbis stri-
ctè dictis,

Notandum II. non velle Concilium Florentinum, quod omnia Sacra menta debent constare verbis propriè dictis sive vocibus tamquam formâ: quandoquidem matrimonium possit etiam celebrari per natus & signa, v.g. à surdis & mutis, ut determinat Innocentius III. c. Tua fraternitati 23. de Sponsalibus: Et apertè insinuat ipsum Florentinum in Decreto dicens: *Causa efficiens matrimonii regulariter est mutuus confessus per verba de praesenti expressus.* Ubi addendo, *regulariter*, significat extraordinarie posse perfici sine verbis. Ex quo etiam colligitur in aliis Sacramentis semper oportere adhibere verba propriè dicta; cum in solo matrimonio fiat exceptio, quæ firmat regulam in contarium. Idem etiam habet communis sensus Doctorum & praxis Ecclesiae.

5.
Nō est equi-
dem mens
Florentini,
quod omnia
essentialiter
constituantur
ex rebus
& verbis.

Notandum III. non velle Florentinum, quod omnia Sacra menta intrinsecè & essentialiter componantur ex rebus & verbis, sive ex materia & forma. Ut proinde nullius momenti sit argumentum, quod inde Nonnulli desumere tentarunt, ad probandum, quod in hoc vel illo Sacramento materia vel forma sit essentialis & intrinsecâ. Patet manifeste ex ipso Concilio, quod postea specificans & declarans res, quibus singula Sacra menta perficiuntur, pro materia Eucharistiae assignat panem & vinum, quæ utique essentialis illius non ingrediuntur, immo vi consuetudinis destruantur. Similiter pro forma ejusdem assignat verba, quibus hoc conficitur Sacramentum; quæ similiter juxta plurimos Doctores non sunt de intrinsecâ ratione Eucharistiae sed eidem potius extrinsecâ, uti solet esse causa efficiens. De quo tamen suo loco. De Sacramento etiam Pœnitentia docet Scotus essentialiam illius consistere in sola absolutione; quæ tamen cadere debeat super pœnitentem contritum & confessum. De quo postea. Similiter satisfactio, quæ assignatur tamquam materia partialis Sacramenti Pœnitentiae, indubie non est ei essentialis. Sacramentum quoque Matrimonii, uti ipse contractus, non includit intrinsecâ corpora contrahentium, sed essentia illius consistit in solo signo expressivo mutuali ac legitimâ consensu. De quo similiter suo loco agetur.

Accedit quod Florentinum specificans materias Sacramentorum ferè tantum assignet materiam remotam, v.g. aquam pro baptismo; & tamen aqua non est intrinsecâ Sacramento Baptismi (quod est actio quadam transiens) sed est potius materia ch.ca quam versatur ipsa materia proxima & Sacramento intrinsecâ, scilicet ablutio, per quam applicatur aqua corpori baptizandi.

Denique accedit, quod eodem plane modo Florentinum supra dicat, *Omnia Sacra menta perfici personam ministeris conferentis Sacramentum, cum intentione faciendi, quod facit Ecclesia: & tamen minister ejusve intentio non in-*

greditur intrinsecâ essentia in Sacramenti, tem-
juxta Doctores pa sim: quāvis aliter op-
tinetur Lugo d. 2. scilicet 7. Quem operosè refutat
Dicastillo d. 1. dub. 19. & rufsum in simili d. 4.
De Sacramento Pœnitentiae dub. 5. parte 2. Sanè tunc
nimis procl. Lugo abscessisse videtur, dum
consequenter etiam ipsa peccata censuit esse
de intrinsecâ essentia seu partem essentia-
lem Sacramenti pœnitentiae; quasi nimi-
rum quidquid necessariò omnino ab ali-
quo requiritur vel presupponitur sit pars
essentialis ejusdem. Cujus equidem fallitas
patet: tum quia Deus v.g. involvitur in ob-
jecto contritionis, & tamen non est pars es-
sentialis Sacramenti pœnitentiae: uti ne-
que est pars essentialis aliquum Sacra-
mentorum, vel cuiuslibet creaturæ, à quibus
omnibus necessariò presupponitur. Tum
quia agens non est pars essentialis respectu
actionis, terminus respectu relationis, ob-
jectum respectu actus vitalis; quorum ta-
men singula sunt respectivè necessariò, aut
essentialiter prærequisita. Alias quoque
prædicta forent aggregata per accidens ex
Deo & creaturâ, substantiâ & accidente
&c. Accedit, quod ex eodem fundamento
etiam persona suscipientis, nec non inten-
tio ejusdem (si sit adulstus, cuius proinde
baptismus v.g. haberet plures partes diver-
sæ rationis, quām baptismus parvuli, in
quo non requiritur intentio) item in qui-
busdam Sacramentis Sacerdotium, in Pœ-
nitentia jurisdictione, in Extrema-Uncione
infirmitas, in sex posterioribus Sacra-
mentis Baptismus includeretur tamquam pars es-
sentialiter componens; quæ absona & haec
nus inaudita videntur; cum tamen Sacra-
menta cum suis partibus adeò membratim
a Conciliis & Doctoribus Catholicis suc-
rint recensita & enucleata.

Magis tolerabile foret, si intentio mini-
stri diceretur esse pars essentialis ipsius ac-
tionis Sacramentalis, v.g. ablutionis bap-
tismalis, consecrationis, &c. pars, inquam,
indistincta, & sub ipsa actione computata
cum intelligatur per ablutionem v.g. ablu-
tio libera, & quidem certæ speciei moralis.
Quare sicut intentio non tantum proferten
verba seu signa consensus, sed etiam con-
trahendi seque obligandi censetur esse de
intrinsecâ essentia contractus, & intentio
orandi de essentia orationis: sic actio Sa-
cramentalis, quæ est libera & certæ speciei
moralis, videri posset in se includere intentionem illius quæ talis. Nec contra hoc ur-
gent ea, quæ suprà contra Lugo allegata
sunt. Solum occurrit disparitas inter Sacra-
menta ex una parte, & orationem, votum,
contractum &c. ex altera parte, quod hæc
essentialiter & primariò consistant in actu
interno, in quo etiam consummari possunt;
nisi quod contractus, quatenus est inter
homines, exigat signum externum consen-
sus expressivum: ut proinde actus externi
sint

6.
Personam
& intentio-
nem mini-
steris esse par.

Quest. II. An verba Sacram. debeant esse concionatoria &c. 129

sint signa internorum, & ab his participant nomen orationis &c. At Sacraenta sunt ex prima & propria sua ratione externa symbola, quæ non sunt signa interni actus, cui primariò conveniat ratio Sacramenti; sed solum exigunt actum internum, tamquam conditionē sine qua non, quo determinentur ad significandum quod Christus instituit. Is etenim instituit seu decretivit, ut certa symbola sensibilia efficaciter significant gratiam, dummodo in subiecto capaci seu disposito ponerentur libere tamquam substantia institutioni Christi; ubi apparent ratio Sacramenti esse velut effectus internæ intentionis. Quod non facile improbari potest. Tamen forte quis responderet, non obstante hac disparitate potuisse internam intentionem esse minus principaliter de essentia actionum Sacramentalium, et si primariò exteriarum; uti est de essentia aliarum actionum primariò internarum; v. g. orationis vocalis, contractus civilis &c; quarum essentiam complet, tum interior, tum exterior operatio.

Finaliter satis convenienter Doctores in eo, quod Baptismi, Confirmationis, extrema-Untionis & Ordinis essentiam ingrediantur, tum materia proxima, scilicet ablutio, chrismatio &c. tum forma, seu verba correspondientia; quia non est posterior ratio de una quam de altera: cum utraque sit à Christo instituta, habeatque proportionem ad significandum effectum Sacramenti, ut singulas applicanti constabit.

Q U A E S T I O N E I I.

An verba Sacramentorum debeant esse concionatoria, an vero ritualia?

HÆRETICI variè & inconstanter ad Sacraenta requiserunt concionem, quam divinæ promissiones proponantur, & fides circa eas excitetur. Et quidem aliqui eam requirunt tamquam partem essentiationis Sacramenti, ut Calvinus l. 4. *Institut. c. 4.* § 4. & in c. 5. ad Ephes. ait: *In Papatu nullam esse legitimam signorum observationem, quia nulla sit mysterii explicatio ad populum, que sola facit, ut poriorum elementum incipiat esse sacramentum.* Alii aliter loquuntur. Sed repugnat praxi & sensui totius Ecclesiaz: cui velle refragari est insolentissima insanía, ut ait Ang. Epist. 118. ad Januarium. Deinde si requiratur concio, utique quam exactetur fides vera, adeoque à ministris veræ Ecclesiaz, & consequenter non possit quis validè suscipere Sacramentum nisi ab eisdem: quod tamen est contra ipsos Hæreticos, qui censem non esse rebaptizandos baptizatos à Papistis, ut docet Calvinus l. 4. *Institut. c. 15. §. 16.* Et si consequenter ad præallegata ex codem.

Tertiò sequeretur nec *Calvinum* nec alios p̄t̄nos Hæreticos validè fuisse baptizatos, quippe qui sunt baptizati ritu Catholico sine concione. Denique parvulus saltem sine fructu conferetur Sacramentum Baptismi, cùm in illis per concionem nequeat excitari fides. Idem est de furdo, amente &c. Neque plebeis posset aliâ lingua conferri, quam vulgari: neque etiam in necessitate conferti v. g. Baptismus ab inidoneo ad instruendum seu concionandum.

Veritas itaque Catholica habet, quod verba, quibus conficitur Sacramentum, sint ritualia, seu consecratoria, quia videlicet sunt certa & determinata verba, quibus materia Sacramenti consecratur, & quæ sunt operatoria, independenter ab instructione audientium. Cùm enim ex dictis constet, non debere esse verba concionatoria, sequitur esse consecratoria; cùm hoc non ob aliā rationem negaverint Hæretici, quam quia existimabant prius, quod jam refutavimus. Patet etiam ex perpetuo usu Ecclesiaz: quæ proinde jam olim in *Concordio Niceno Can. 19.* baptismum *Cataphrygum & Paulianistarum* reprobavit, eo quod *Ecclesia regula* *semper Ecclesia regula* *qui scriptis.* non uterentur sacris verbis seu formâ à Christo præscriptâ; quæ utique non sapit concionem, sed consecrationem seu benedictionem. Patet quoque ex auctoritatibus Patrum, quæ videri possunt apud Bellarm. *I. de Sacram. c. 19.* Nobis sufficiat *Cyprianus* (sive alias antiquus Auctor) in docto *Tractatu de Operibus Christi Cardinal. Tit. De Baptismo Christi*, dicens: *Verborum solemnitas & sacri invocatio nominis, & signa institutionibus Apostolicis Sacerdotum ministeris attributa, visible celebrant Sacramentum.* Et Ang. l. 20. contra *Faustum c. 13.* ubi ait: *Noster panis & calix certa consecratione mysticus fit nobis.*

Idem denique intelligitur ex Scriptura, quam semper ita intellexit Ecclesia, optime Scripturarum interpres: quia verba praescripta à Christo pro Sacramento Baptismi *Math. 28.* non habent formam concionis, sed invocationis sive benedictionis: non enim dixit Christus: *docete omnes gentes nomen Patris & Filii & Spiritus;* qualiter dicere debuisset, si verba illa respexissent actum docendi; sed dixit: *Baptizantes eos in nomine Patris &c.* quod respicit actum baptizandi, & sonat invocationem Trinitatis super aspersionem aquæ. Quemadmodum *m nomine*, passim in Scriptura sonat invocationem, non instructionem; ut *Marci ultime. In nomine meo demonia ejicient. Act. 3. In nomine Jesu Christi surge, & ambula.* Et alibi. Quāvis igitur docendi sunt adulti, necdum satis instructi, mysteria fidei, juxta monitionem Christi: *docete omnes gentes;* non tamen per formam Baptismi: hæc enim non se extendit ad omnia mysteria, in quibus necessario instruuntur adulti baptizandi, sed hi docendi sunt per prævious catechisationes, ut in

130 Disp. II. De Materia & Forma Sacramentorum nova Legis.

in mysteriis fidei sufficienter instructi Baptismum debet & legitimè suscipiant: quodvis nec hoc tunc requiratur ad Baptismi valorem. Insuper 1. ad Cor. 10. verba quæ adhibentur in consecratione Eucharistie dicuntur verba benedictionis: Calix benedictionis cui benedicimus, nonne communicatio sanguinis Christi est? quæ certè non instructionem, sed ritum & consecrationem indicant. Prout etiam faciunt verba consecrationis: hoc est corpus meum, hic est sanguis meus; quæ tam explicitè & in substantia uniformiter à tribus Evangelistis sunt expressa, & perpetuò in Ecclesiâ Catholicâ adhibita.

12.
Calvinus
fundat se in
Augustino.

Calvinus in patrocinium sui erroris, omissis locis claris S. Augustini pro veritate Catholica, more Hæreticorum adducit obscuriorem ejusdem ex Tract. 80. in Ioan. ubi de Baptismo ait: Vnde ista virtus aqua, ut corpus tangat, & cor abluat, nisi faciente verbo? non quia dicitur, sed quia creditur. Nam & in ipso verbo aliud est sonus transiens, aliud virtus manens. Hoc est verbum fidei, quod prædicamus, ait Apostolus. Ergo secundum Augustinum verbum Baptismi abluit cor, quia creditur; adeoque in quantum instruit & inducit suscipientem ad credendum.

Qui tamen
aperie vim
sanctificandi
tribuit ver-
bo rituali.

Resp. Augustinum variis locis tribuere verbo rituali vim mundandi, signanter 1.6. contra Donatistas c. 25. Certa, inquit, ista Euangelica verba, sine quibus non potest Baptismus consecrari tantum valent, ut per illa sic evacuentur quæcumque in prece viciose contra regulam fidei dicuntur &c. Immo Tract. 80. citato dicit de Baptismo: Accedit verbum ad elementum, & sit Sacramentum. Concio autem non accedit, sed præcedit Baptismum. Deinde non accedit ad elementum, ad quod nullo modo dirigitur, sed potius ad circumstantes, ad elementum autem accedit verbum consecratorium, quod afficit ablationem. Dicit insuper ibidem Augustinus, Hoc verbo consecrari Baptismum, ut mundare posset; Baptismus autem non consecratur concione, quæ ad populum dirigitur, sed invocatione sanctissimæ Trinitatis, quæ fit per verbum rituale. Denique dicit infantes mundari per verbum fidei, qui tamen corde credere ad justitiam non possunt, adeoque pro quibus concio esset inutilis.

13.
Explicatur
locus ejus
celebris ex
Tract. 80. in
Ioannem.

Dico itaque Augustinum Tract. cit. occasione verborum Christi, Iam vos mundi estis propter sermonem (Augustinus legit verbum) quem locutus sum vobis; inquire, cur ita potius dixerit Christus, quam, propter Baptismum quo loci estis; & appositiè magis quam litteraliter responderet id factum ideo, quod sermo seu verbum Christi sit radicale quasi & generale mundatorium, loquens universaliter de verbo sive concionario, sive consecratorio, adeò ut etiam Baptismo vim tribuat verbum Christi, scilicet institutum ab ipso pro forma Baptismi, quod proinde creditur. Quare per illud, sed quia creditur, in-

telligit ipsum fidei obiectum, q.d. quod animam abiuit verbum Baptismi, non oritur à sono verborum, qui naturalis & transiens est, sed à mysterio illo sacramentali, quod ab omnibus creditur iis verbis inesse. Nam sicuti Deus trinus & unus dicitur fides nostra, sic etiam Augustinus formam Baptismi, quæ præcipuum istud mysterium continet verbum fidei vocavit. Simili modo dicimus, nomen Jesu esse dæmonibus terribile, non præcise ut est sonus aure perceptibilis, sed quatenus continet se repræsentat Filium Dei, qui vires dæmonum confregit. Quod si etiam per illud, sed quia creditur, intelligeremus ipsum fidei actum; non debet intelligi actus eliciendus semper ab ipso Baptizando, qui sèpè est parvulus; nec ab ipso ministro, qui potest esse hæreticus seu infidelis; sed ipsius, sive Baptizandi, si sit adultus (in quo ad fructuosum Baptismum prærequisitor actus fidei) sive Ecclesiæ, in cuius sola fidei parvulos baptizari supponit Trid. sess. 7. de Baptismo can. 13. & satis insinuat Aug. sup. tractatum sic concludens: Hoc verbum fidei tantum valeat in Ecclesia Dei, ut per ipsam credentem & offerentem, mundet infantem &c. Et Ep. 23. ait, Parvulos offerri ad percipiendam gratiam, non tam ab eis, quorum gestantur manus, quam ab universa societate fidelium.

Porro verba hæc consecratoria (idem est de rebus seu materia) ita sunt à Christo determinata, ut non sit in potestate Ecclesie illa immutare quoad substantiam, juxta Doctores unanimiter, & aperte inuinuntur Trid. sess. 20. c. 2. ubi, declarat hanc potestatem in perpetuo in Ecclesia fuisse, ut in Sacramentorum dispensatione, salvâ eorum substantiâ, ea statueret vel mutaret, quæ suscipientium utilitati, seu ipsorum Sacramentorum veneracioni magis expedire judaret. Ubi dum addit, salvâ eorum substantiâ, satis indicat hanc non fuisse relictam Ecclesie arbitrio, sed fuisse determinatam à Christo. Unde Florentinum pro singulis Sacramentis materiam & formam determinatam assignat. Idemque confirmat perpetuus usus & sensus Ecclesie. Ideoque omnes Patres Concilii Nicæni baptismum Cataphrygarum & Paulianistarum esse nullum definierunt can. 19. quia isti mutaverant formam à Christo præscriptam; Congruentia est, quod hoc servaret ad majorem unitatem & decorum Ecclesie; quæ sicut est una per universum orbem diffusa, sic decens fuit certis ubique ac iisdem signis illam uti, suamque in Deum fidem profiteri.

Nec obstat quod Ecclesia irritaverit matrimonia clandestina, quæ alioquin erant verum Sacramentum inter fideles: nihil enim mutavit circa substantiam Sacramenti, sed tantum irritavit naturalem contrarium, sive consensum clandestinè exprefsum; qui facta irritatione uti non manet irritatum, validus & legitimus ad transferendum jus in mutua corpora, sic non manet sufficiens.

Quest. III. Quæ Mutatio reddat Sacramentum invalidum &c. 131

ad rationem Sacramenti: cum ad hanc elevaverit Christus solum consensum validum & legitimum. Aliud est, si Ecclesia noluerit contractum aliquem legitimum in baptizatis esse Sacramentum. Quemadmodum etiam qui destruit substancialis panis & vini, non mutat formaliter materiam Eucharistie, sed tantum facit, ut non maneat verus panis & verum vinum, prout Christus requisiuit.

16. *Tu neque nisi Ordinatus sacramentum Graciorum & Latro- vanis &c. sub- stitutio- significatio-*
Similiter in Sacramento Ordinis inter ritum nostrum & Graecorum nulla cernitur substancialis diversitas, sed tantum materialis: utrobique enim adhibentur verba & signa externa quibus sufficienter significatur collatio proportionata potestatis: quod Christus tantum determinasse videtur, ut colligi solet ex allegata differentia utriusque Ecclesiæ: adeoque videtur permisisse dispositioni Ecclesiæ physicam velut ac magis specificam signorum determinationem. Similiter in Sacramento paenitentia materia sufficiens est peccatum mortale vel veniale, contritio vel attritio. Materia quoque Eucharistiæ non est ita determinata ad certam speciem, quin indifferenter sit, cuius v.g. coloris vel speciei vinum consecratur; materia autem & forma Baptismi est magis determinata. De quibus plura agendo de singulis in particulari.

Q U A E S T I O III.

Quæ Mutatio in materia vel forma reddat Sacramentum invalidum, aut administrationem illicitam.

17. *Omnis mu- tatio sub- ficiens in- dumentum.*
DICIO I. Omnis mutatio substancialis reddit Sacramentum irritum, non autem accidentalis. Ita omnes Thelogi. Et patet ex sensu & praxi Ecclesiæ. Ratio est, quod in ceteris rebus mutatio substancialis, & non accidentalis destruat ipsam rem. Confirmatur: quia omnium valor & vis Sacramenti dependet à Christi institutione; hanc autem destruit sola mutatio substancialis; ut amplius declarabitur.

Itaque censetur mutatio substancialis materiae, quando tanta contingit diversitas, ut juxta communem usum & dominum estimationem sit alterius nominis & rationis ab illa, quam Christus prescrivit; alias tantum est accidentalis, v.g. in Baptismo est mutatio substancialis materiae, si loco aquæ naturalis accipiatur rosacea, vel alia distillata, aut succus e pomis expressus; aut glacies, utpote inepta ad usum abluiendi, ad quem in Baptismo est principaliter instituta, etiæ specie physica glacies ab aqua non distinguitur. Secus est, si loco aquæ frigidæ affluitur calida; si in missa loco panis azymi adhibetur fermentatus &c.

Mutatio formæ est substancialis, quo-
tum cumque corruptitur verus & legitimus sensus illius, aliás est accidentalis: cum enim generaliter sensus sit velut anima verborum, manente codem sensu censetur manere eadem verborum forma. Si dubia sit verborum æquivalencia, dubius similiter erit valor Sacramenti. Ille autem est sensus legitimus, quem Christus in institutione ejusque Sacramenti requisivit seu intendit: quem proinde si forma servet, indubie est vera & legitima, & à Christo instituta. Sensus porro iste à nobis est colligendus ex doctrina & traditione Ecclesiæ. Propraxi autem notandæ sunt quædam species regulae.

Contingit itaque mutatio substancialis formæ primò, quando omittitur vel additur verbum quod sensum formæ immutat aut falsificat. Intellige, si verbum falsificans afficiat illud quod est de substanciali: nam si quis v.g. falso dicere, ego Episcopus te baptizo, vel baptizo te hac aqua clara, cum sit turbida, validè baptizaret. Item validè absolvaret, qui formæ absolutionis adderet, in nomine Patris majoris & Filii minoris &c. quia sicut vox accidentalis potest omitti, ita & falsificari absque praæjudicio formæ substancialis.

Hinc non valet Baptismus, si omittatur verbum baptizo, neque consecratio hostiæ, si omittatur vox corpus aut meum. Similiter si forma Baptismi prostratur, in nomine Patris increati & Filii creati &c. eo quod invocatio vera & divinae Trinitatis sit de substanciali forma Baptismi. Idem est, si dicarur, Ego te baptizo in nomine Patris & Filii & spiritus sancti & beatae Virginis, sumendo ly in nomine B. Virginis, ut siclicet fundum, si designet Baptismum æquè dari in auctoritate B. Virginis; eo quod sensus substancialis formæ exigat ablutionem fieri in auctoritate solius Trinitatis, non quaternitatis. Secus si ly in nomine B. Virginis adderetur designando solam invocationem intercessionis; prout designare potest, & de facto designat, dum in Commendatione animæ Ecclesia orans eam de hoc mundo proficiunt in nomine Trinitatis, addit in eadem orationis serie, in nomine Angelorum & Archangelorum &c. Similiter invalida foret hæc consecratio, Hoc est corpus meum aerium; ut pote falsificata in significacione substanciali per ly aerium, quod distrahit ly corporis a significacione veri corporis Christi. Nisi forte (quod tamen solet contra ordinarium agendi modum) legitimis verbis consecrationis debitâ intentione prolatis, per novam intentionem subito quis adderet similem particulam falsificantem: quæ juxta Ponitum d. 44. n. 44. tunc non obstatet valori formæ, utpote perfectæ, & ex priori intentione sensum ac significacionē habentis, adeoque effectum ipso instanti ultimo operantis, quæ subsequens intentio impedi re nequit. Idem consequenter dicendum foret

18. *Quando generaliter informa.*

Regule ad hanc muta- tionem dig- noseundam.

Prima, Corolla- rium.

Quid cen- nome utrilibet in eodem sensu, ut scilicet fundum, si designet Baptismum æquè dari in auctoritate B. Virginis; eo quod sensus substancialis formæ adda- tur ly & B. Virginis.

Quid cen- fandum de hac forma consecratio- nis. Hoc est corpus meum æ- riun.

132 Disp. II. De Materia & Forma Sacramentorum novae legis.

in simili casu de Baptismo, cuius formæ ad-
deretur ly & B. Virginis.

20.

*Item de
ista: Hic est
sanguis
meus, qui
pro vobis
non effun-
deretur.*

Quod autem dictum est de falsificatione & invaliditate formæ consecrationis præallegatae, etiam locum habet, et si dicatur v.g. *Hic est sanguis meus, qui pro vobis non effundetur*: quamquam diversum quid censeat de hoc Lugo, ob implexam ibi mediante relativo novam propositionem, cuius falsitas non inficiat formam substantialem. Re verâ tamen perinde hoc est, ac si diceretur: *Hic est sanguis meus pro vobis non effundendus*: adeo quæ non minus in illa, quam in hoc exprimendi modo significatur aliud sanguis, quam qui ex Christi institutione est significandus. Nisi fortasse Sacerdos volens significare verum sanguinem veri Salvatoris, solum erret circa punctum effusionis illius pro nobis; sic enim videretur intactus reliqui sensus substantialis formæ: sicut si quid aliud erroneum apponenteret ad sensum formæ non pertinens ex simili errore, v.g. *Hoc est corpus meum, quod altera post sepulturam die resurrexit &c.* Quare rectè Scorsus d. 3. q. 3. n. 11. Si (inquit) anteponitur vel postponitur aliquid non repugnans, sit: si aliter, non fit Sacramentum. Eiusmodi autem apposito non repugnat vero & reali Corpori Christi, quod per formam consecrationis oportet designari.

*Equivoca
determinan-
tur ad cer-
tum sensum
etiam ab
intentione
loquuntur.*

Hinc dum verbis sunt æquivoca seu indiferentia ad varios sensus, possunt, tum ex circumstantiis, tum etiam ex mera intentione proferentis determinari ad certum sensum: qui si illegitimus sit, Sacramentum non valebit defactu formæ, utpote non aliud hinc & nunc significantis, quam quod loquens intendit. Prout pronomen hoc indiferens ad significandum seu demonstrandum diversas hostias præsentes, per internam Sacerdotis intentionem determinatur ad hanc potius quam illam demonstrandam, ut hæc consequenter potius quam illa consecratur.

21.
*Regula se-
cunda.*

Secundò contingit mutatio substantialis formæ per transpositionem verborum tantam, ut non maneat idem sensus. Quod ex usu & communi iudicio est discernendum. v.g. si dicatur, *Hoc corpus est meum*; sic vide licet ut ly *corpus* se teneat ex parte subjecti, prout ista propositio nata est accipi.

Tertia.

Tertiò quando inter verba intercedit tanta interruptio, ut moraliter non censeantur coalescere in unam orationem; ut si uno aut altero verbo formæ prolato post unum miserere subjungantur reliqua: vel si inter syllabas ejusdem verbi, aut verba ejusdem formæ tam multa misceantur extranea, ut moraliter loquendo ex tot disjunctis non coalescat unus verbum aut oratio. Quæ res, utpote moralis, pendet ex iudicio & arbitrio prudentis.

Quarta.

Quartò quando verba sic corrumpuntur, ut nequidem in materia & circumstantiis, in quibus proferuntur, reddant debitum sen-

sum apud audientes. Quod potissimum fit, quando corruptio contingit in principio dictionis; non ita si in fine; ut si loco Patris baptizans dicat Matris.

Ad mutationem etiam substantialem pertinet, si inter materiam & formam aliquin legitimam non servetur debita conexio: cum enim verba & res habeant se in Sacramento ut materia & forma alicuius compositi, debent ita simul adhiberi, ut coalecant in unum totum. Et quidem Sacramentum Eucharistiae requirit physicam coexistentiam & præsentiam materie & formæ, quasi eodem instanti debeat adhiberi, aut ejam unum non possit finiri antequam aliud incipiat adhiberi (quod posterius negat Cajetanus & quidam alii contra Doctores communiter) sed requiritur & sufficit moralis coexistentia, in aliis major, in aliis minor, juxta significationem formæ, & qualitatem actionis, aut materiæ, quam forma afficit, ac prudenter estimationem. In Baptismo enim, Confirmatione, Extrema-Uncione & Ordine non potest notabile tempus interponi absque invaliditate Sacramenti, eò quod forma ibi significet præsentiam actionis seu materiæ proximæ utpote designans aliquam actionem actu fieri circa suspicitionem: ne igitur sit falsa, debet ista actione eodem tempore ponи. Non tamen requiritur physica coexistentia aut immediata successio; eò quod nihilominus forma censeatur esse vera secundum communem & humanum loquendi modum; v.g. si minister manu ad aquam extendens formam proferre incipiat, & ob fortuitum impedientium, vt quia ex loco altiori sit effusio, formam finiat, antequam aqua tangat corpus baptizandi. Sanè alias requiretur, ablutionem fieri ipso instanti quo profertur ly ablatu, aut cum immedia ad illud verbum successione: quod absurdissimum est. Neque repugnat Scotus d. 6. q. 3. n. 4. Nam non requirit coexistentiam physicam ad valorem (quod ex ipsomet n. 2. satis colligitur) sed loquitur secundum id, quod congruit à ministro observari. Ideoque Rituale Romanum Tit. de Baptismo, §. de forma baptismi in principio: *Quoniam (inquit) Baptismi forma his verbis expressa, Ego te baptizo &c. omnino necessaria est, ideo eam nullo modo licet mutare, sed eadem verba uno & eodem tempore, quo fit ablution, pronuntianda sunt.*

Quod attinet ad Sacramentum poenitentiae, ejus forma, quia est instar iudicii, habet plenam significationem, et si contraria & confessio diutius præcessissent, modo in

penitens non censetur retractasse. Unde decedens in diurna phrenesi absolvitur ob confessionem vel doloris signa ante exhibita. Similiter in Matrimonio, quod sequitur rationem ceterorum contractuum, potest consensus unius contrahentium tam diu sequi consensum alterius, quam diu hic censetur moraliter manere, uti in aliis contractibus: nec magis consensus requirit praesentiam corporum (qua sunt materia circa quam hujus Sacramenti) quam in aliis contractibus consensus requirat praesentiam objecti seu materie contractus, ideoque matrimonium sacer perficitur inter absentes, et si consensus unius diu subsequatur consensum alterius.

Mutatio accidentalis formae contingit, primò, si verba qua adduntur vel omituntur non falsificant, neque sensum legitimum mutent, v. g. si in consecrationis forma omittatur adverbium, *Enim*; aut in forma Baptismi dicatur, *in nomine Patris omnipotentis & Filii Iesu Christi &c.* Immo eti additio fiat animo inducendi novum ritum; modò equidem adit intentio facienda quod Christus instituit aut vera Ecclesia facit: quia privatus error non obstat Sacramento, dummodò ad illud omnia necessaria adhibeantur. Unde Graeci validè consecrant corpus, eti tali animo addant: *quod pro vobis datur*; qua verba putant esse essentia. Quod quidem indubitatum est. Errorum vero hunc esse ab Ecclesia toleratum (ut Quicquid respondent, censentes obstatre valori Sacramenti animum inducendi errorem, quando non est ab Ecclesia toleratus) est impertinens, tum ad valorem formae, uti ad sensum ejusdem à sola Christi institutione dependentem; tum ad debitam intentionem in istri, qua non obstante errore speculativo, uti tolerato, sic & non tolerato, potest pariter esse conformis institutioni Christi, dum minister generaliter & absolute vult facere quod Christus instituit, quidquid sit de proprio errore. Ita Doctores ferè communiter.

Nec obstat, quod Zacharias Papa Ep. 6. ad Bonifacium in Tomis Conciliorum Bini, & resertur c. Reculerunt 186. de Consecr. dif. 4. approbet Baptismum in nomine Patri & Filia & Spiritu sancto collatum, si quod casus supponebat, est quæ ex epistola manifestum) ille, qui baptizavit, non errorem introducens, aut heresim, sed pro sola ignorantia Romana locutionis infringendo linguam, ut supra, dixisset. Ubi à contrario sensu supponit Pontifex, Baptismum suisse cœprobandum, si animo inducendi heresim ita fuisse collatus. Non obstat, inquam: quia tali casu non valueret Baptismus defectu formæ, utpote falsificatae. Quamvis enim verba sic corrupta præ mera ignorantia linguae Latinae in talibus circumstantiis etiam ex intentione proferentis referrent & signifi-

Hinc Sum. Theol. Pars IV.

carent sensum debitum, ut bene *Scotus* d. 3. q. 2. num. 12. intentio tamen hæreticæ ministri immutasset sensum legitimum, si videlicet studiosè intendisset significare errorem, tres v. g. personas esse feminini sexus. Alter responderetur, Pontificem tali casu tacite præsumere contra valorem Baptismi, ob defectum intentionis: cum talis minister potius ludere, quam velle Sacramentum Baptismi confidere videatur. Denique nonnulli respondent Pontificem à tali casu abstrahere, decidendo solum, more Pontificibus consueto, id quod suberat in terminis apertis questionis propositæ. Proinde *Arriaga* d. 7. pt. 2. verba decisionis Pontificia non purè refert.

Potes, An si quis omittat aliquid, quod ex errore putat essentiale, cum re vera non sit, conficiat Sacramentum. Resp. ordinariè non confidere; cum habeat voluntatem omittendi aliquid essentiale, adeoque non ponendi substantiam Sacramenti. Quare talis censetur nolle serio agere. Nisi tamen haberet voluntatem confidi Sacramentum, eau quo sufficerent verba qua profert. Unde Graeci v. g. putans *ly quod pro vobis datur* esse de essentia consecrationis corporis, & tamen omittens, si nihilominus velit per reliqua verba facere quantum potest, cogitans forfasse additamentum istud, utpote à Latinis selectum, non esse necessarium, validè consecraret:

Secundò contingit mutatio accidentalis, si loco verbi consueti ponatur synonimum, v. g. *ab uno pro baptizo*; aut verbum activum mutetur in passivum, prout Graeci dicunt: *Baptizetur servus Christi*. Debent tamen *synonyma* idem æquè distinctè significare: Ideoque non valet Baptismus collatus in nomine Trinitatis sine expressione singularum personarum.

Tertiò si transpositio verborum relinquit eumdem sensum; v. g. si dicatur: *Hoc est meum corpus. Item Juxta Scotum d. 3. q. 2. num. 13. si Baptismus detur in nomine Fili & Spiritus sancti & Patris*, ista enim ordinis mutatione non variat sensum, nec designat inæqualitatem Patris ultimò nominati, ut nec ordo consuetus significat inæqualitatem Spiritus sancti ultimò nominati. Idem variis dicunt de Baptismo hoc modo collato: *Ego, Patris baptizo te in nomine, Fili & Spiritus sancti*. Quod potest admitti si *ly Patris*; non afficiat pronomen, *Ego*. Alioquin meritò *Scotus* sup. (quem immerito reprehendit *Lugo* d. 2. num. 112.) censet mutari conceptum orationis, adeoque invalidam esse formam præfatam, supposito (quod supponit *Scotus*) quod *ly Patris* afficiat *ly Ego q. d. Ego Patris*, (*supple, servus aut simile*) *baptizo te in nomine Fili &c.*

Quartò si partes formæ notabiliter non interpellentur, aut verba interjecta ex communi apprehensione non tollant sensum extraneo-

134 Disp. II. De Materiae & Forma Sacramentorum nova Legis.

rum inter-
positione no-

notabili.
consuetum & unitatem debitam proposi-
tionis. Utpote si quis inciperet oratio-
nem, & per modum parenthesi dicoret,
tacete, vel recedite &c. ut recte Scotus dist. 3.
q.2. num. 11. Sicut enim in communi lo-
quela, non obstante hujusmodi interposi-
tione, continuatur oratio, consimiliter de-
bet in praesenti proposito judicari.

28.
Item de
mutatione
aut mixtio-
ne idioma-
tum,

Et de bar-
bara aut
mutilata
pronuncia-
tione, que
cum expre-
sione veri
sensu sit
compatibili.

Quintò si mutetur idioma: alias enim
oporteret omnes uti idiomate quo Christus
est usus. Item si diversa idiomata mis-
ceantur: nam etiam in communi sermone
sepè illa miscemus; & in forma Latina
Baptismi retinetur verbum Graecum, *baptizo*. Item si ex scrupulose, balbutie,
aut etiam imperitia verba corruptè pro-
nuntientur, modò juxta communem appre-
hensionem adhuc generent in audientibus
eundem sensum, et si verba sic corrupta
per se sumpta illum non significant in
rigore. Sic Zacharias Papa c. Retulerunt de
Consecrat. dist. 4. approbat Baptismum ex
imperitia latini sermonis collatum, *in no-
mine Patria & Filia & Spiritu sancta*. Ex quo
idem de similibus verborum vitiacionibus
est judicandum. Ut si quis ex balbutie,
blesitate, aliove impedimento aliquam literam
non recte pronuntiare posset, vel
barbare consecrando diceret, *Hoc est cor-
pus meus*; vel per syncopam aliquam syl-
labam subtraheret. Non enim (inquit
Scotus suprà) voluit Deus omnino deter-
minare hominem ad verba in Sacramen-
tis ultra illum modum quo verba suffi-
ciunt ad exprimendum conceptum; qui
non obstante barbarismo seu vicio lati-
nitatis, syncopâ &c. sufficienter expri-
mitur atque intelligitur. Quàmvis ab his
magis sit cavendum in verbis sacramen-
talibus ob reverentiam Sacramenti; ut
recte Scotus sup. Vide Bonacina d. 1. de Sacram.
q.2. p. 1.

29.
Mutatio
substantia-
lis est mor-
taliter pec-
caminos.

Immo etiam
adhibito
materie aut
forma du-
bia,

Dico II. Mutatio substantialis materiae
vel formae semper est peccatum mortale;
nisi excusat indeliberatio. Accidentalis au-
tem mutatio aliquando est mortale, ali-
quando veniale. Prima pars patet: quia cum
Sacramentum tunc sit iritum committitur
grave sacrilegium.

Immo qui sine necessitate utitur mate-
riâ vel formâ dubiâ, cum possit commodè
adhibere certam, peccat mortaliter: quia
sine ratione exponitur Sacramentum pe-
riculo invaliditatis, & proximus carendi
fructu Sacramenti. Si tamen occurrat gra-
vis necessitas, & materia certa haberi ne-

queat, licetè ministratus in materia dubia;
immo aliquando ministrari debet, ut pro-
ximus juvetur quantum fieri potest. Ad
quod etiam sufficit necessitas extrinseca,
v.g. metus mortis, quo alius urgetur ad
utendum formâ, vel materiâ dubiâ; modò
id non fiat in contemptum fidei aut Re-
ligionis. Quid censendum sit de materia &
forma probabili, peti potest ex dictis p. 1.
Tr. 2. d. 4. §. 4. n. 95.

Dixi, nisi excusat indeliberatio: hæc enim
excusat à mortali, sicut omnimoda inad-
vertentia ab omni peccato, juxta regulas
generales. Unde non facile peccat graviter,
qui bonâ fide procedens adhibet diligen-
tiā adhiberi solitam à viris prudentibus
& timorati.

Ubì quoque advertendum cum Preposito
quaest. 60. art. 8. dub. 2. repetitionem forma-
(quæ per se loquendo est mortale pecca-
tum; cum secunda sit invalida, nec proinde
fine gravi irreverentia bis super eadem ma-
teria pronuntietur) excusat à peccato ra-
tione dubii, quo alius hæret, num formam
legitimè pronuntiaverit. Quod anxiis sepè
potest contingere. Qui tamen dubium pos-
sent deponere, si soleant verba formæ di-
stinctè proferre. Potest etiam quis excusat,
qui præ cadem anxietye in forma unum vel
alterum verbum repetit, existimans quod
non satis distinctè pronuntiaverit. Quàm-
vis & hoc sit vitandum; utpote ex scrupu-
lositate oriri solitum, eamque augere idoneum.
Inadvertentia tamen seu ignorantia,
scrupulorum comes, iterationem ex du-
bio in se irrationali factam excusat à
mortali.

Secunda pars probatur: quia est deor-
dinatio & irreverentia aliquid in re tam fa-
cile mutare, major vel minor pro ratione
mutationis (cujus gravitas est prudenti judi-
cio determinanda) Ecclesiæ præcipiente, ut
materia & forma consueta, ac etiam ritus
accidentales serventur. Sic mortaliter pec-
cet Latinus celebrans missam in pane fer-
mentato, idiomate flandrico, omittens in
consecratione calicis novi & aterni Testamen-
ti &c. Venialiter peccaret, secluso con-
temptu, omittens in consecratione particu-
lam, enim, aut in forma Baptismi pronomen,
ego. Similiter qui privatim baptizaret In-
guâ vernacula. Sed in casu necessitatis nul-
lum hic subeat peccatum. Immo Emanuel Sa-
V. Baptismus, Victoria, Toletus & alii dicunt
confultius esse, ut femina baptizans in ne-
cessitate utatur lingua vernacula.

DISPU-